

念便是逍遙自在閑

贈甯海州王一翁化爲醮首

請公目下細斟量既遇良緣便可當道家興隆因建德福星臨  
注必除殃願人有幸扶立教學我無爲達上蒼四海存亡都一  
化立教地獄變天堂

甯海太守屢嘗書召以詩奉答

信香不斷累相招自肯存心養瑞苗禁制姦邪因德政恤憐老  
幼顯歌謠常蒙帝闕恩光降足表忠心福行昭伏望功成名遂  
日也來林下論逍遙

贈明水公殿試

道藏輯要

雲光集

六

胃集九  
川火川

心靈神喜悟眞常日日無私達上蒼休帶儒林求外顯好搜道  
理惜元陽萬塵根斷超三界一舉功成貫十方試把前程相比  
較爲官何似到仙鄉

答沂州趙知法問修行

雲蹤不斷瑞陽開悟徹塵緣心自灰但覺身中清一氣漸看鼎  
內聚三才青龍白虎鳴哮吼赤鳳烏龜戰往來羅列周天同際  
會道成自有紫書催

贈楊都目化緣都下幹當教門

助緣諸物順時來都下光明轉轉開不憚辛勤成好事須逢吉  
慶遠非災舊庵圯了重修葺善氣將殘復接栽深謝聖恩功德

力願祈洪祚等天台

別遠來道眾

清晨目下別相知普化人天處處齊若解壺中交日月便超空  
外步雲霓未歸蓬島朝真聖聊向塵寰度執迷好惡是非都不  
挂任他烏兔走東西

贈修真觀廚張

廚下清河志的端莫令拋撒謹修完精嚴每感諸仙喜節儉能  
招百行攢既向福田常潤益自然心地永舒寬他時功滿離塵  
土一顆神珠始得看

示門人

藏頭拆字二首

道藏輯要

雲光集

七

胃集九

開法眼內無憂肯精持百行周吉遇遭金口訣言叮囑道宜修  
田上下通來往氣循環性自由載仙班雲外列圭服了恣遨遊  
昇火降內觀修是人非物物休性卻臨金地旺魂還向月宮囚  
傳丹訣真師見顯靈光玉液周慶無涯真得得絲不昧任優游

張五郎問修行

藏頭拆字

友纔聞真道德田不覺悟清涼山玉璞離塵土性芬芳天外香  
裏金雞常顯瑞頭丹鳳每呈祥年成就無爲理夏金書度五郎

贈楊解元

攢三字

米問古真宗相知盡始終子居塵世裏我離有無中信受明真  
理三光話苦空並超真造化出現赴蓬宮